

վարէր զհայրապետութիւն իւր ի կամս Աստուծոյ, և անաչառ էր դատաստան նորա և յոյժ օրինաւոր և հասակաւն ցանկալի: Եւ եղև նախանձիլ իշխանացն Յունաց ընդ նա, վասն ասելոյ նմա թէ Ռամիկք են որ պահեն զօրէնս Աստուծոյ և երկնչին ի նմանէ, իսկ օրինազանցք ամենայն փարթամք են և մեծատունքն. քանզի զապաճի ոմն օրինազանց ոչ հրամայեաց թաղել յիրիցանց և յաշխարհականաց, որում տեսարքն յանձանօթ տեղեաց զբեռնակիր հայս կաշառօք տարեալ՝ նոքա թաղէին զնա. սոյնպիսիք բազում: Վասն որոյ մտեալ ի խորհուրդ. և զլուս էր Փափազօղլի ոմն ի ժամանակին իշխան մեծ, և մտեալ առ վէզիրն, հանեալ զնա յաթոռոյն¹⁾ և զայլ ոմն ըստ կամաց իւրեանց նստուցին և զայն աքսորեցին: Եւ նոքա ետուն աքսորողացն դրամ խորհրդեամբ պօստանձի պաշուն, զի ի վերայ ծովուն ի գնալն խեղդամահ արարին և արկին ի խորս ծովուն: Եւ յետ աւուրց լուեալ Պէքտաշ աղային, որ էր նմա սիրելի, հարցանէր վէզիրին թէ Ո՞ւր է Բարթէնիոսն. և նա ի իշէր զՓափազօղլին, և չկարէր տալ պատասխանի. վասն որոյ նոյն ժամայն հրամայեաց կախել զնա զգետին և կերպարանաւն ի դուրս պատրիարքարանին Յունաց ի տեսս ամենայն ազգաց:

Յաւուրս յայտոսիկ Յովանէս անուն վարդապետ ոմն Վանեցի եկեալ ի քաղաքս. և ոչ կամէին բնաւ թողուլ սեազլուս, բայց ի խնդրոյ ոմանց վանեցոց ծանօթից նմա՝ բերին և նստաւ յեկեղեցի Սուրբ Աստուածածնին (Էֆէ):

Իսկ ասացաք՝ յետ մահուանէ թաղաւորին զոր արարին, էին օճաղի աղայք Մուսլուհատին, Պէքտաշ

1) աթոռոյն.